

Ein Naß wilde Gänse zu fangen.

Nimm Nesselwurzel/ oder semen cicuta mit der Wurzel/ lege es Tag vnd Nacht in Wasser mit Haber/ oder Korn/ oder anders/ so die Vogel fressen/ zu weichen/ darnach koche es alles mit einander/ biß daß die Körner das Wasser wol in sich gesoffen/ darnach lege es an einen Ofen/ da die Vogel pflegen zu sein/ denn wenn sie es essen/ entschlaffen sie/ als wenn sie voll Weins weheen/ also/ dz man sie mit den Händen fahen kan.

Mit dieser Kunst kan man auch andere Vogel/ die mit grossen Schahren fliegen/ fahen. Item/ man mag auch wol die Körner in Schwefel kochen/ so sterben sie alle/ wenn sie davon essen. Wiltu aber daß sie nicht sterben/ so gib ihnen von stundan Baumöl zu trincken/ so kommen sie wieder auff. Alex. Pedem. de secret. part. 2.

Beu diesem kan ich auch vnmemorirt nicht lassen/ wiewol es lecherlich/ vnd seltsam scheinet/ vnd kein Baur gläubet/ daß Gänse auff den Bäumen wachsen/ wie davon Munsterus in seiner Cosmographia, Cardanus lib. 7. Gaudentius Merula lib. 3. memorabilem cap. 43.

Johannes Boterus von Schottland/ vnd Irland/ vnd andere schreiben/ nemblich/ in Schottlandt findet man Beume am Wasser/ die bringen Laubechte Knöpfffe/ vnd wenn es zeit ist/ daß sie herab fallen/ vnd kommen ins Wasser/ so werden lebendige Vögel drauf/ die man Baumgense nennet. Man findet ihr Gewächs auch in der Insel Pomonia, nicht fern von Schottlandt gegen Mitternacht im Meer gelegen.

Welcher Baumgense oder Enten M. Johannes Colerus etliche zu Berlin gesehen/ so von dannen herauf gebracht sein sollen/ wie er davon in seiner oeconomia lib. 13. cap. 33. schreibt.

Das